

ZAPISNIK

Sa Druge sjednice Predsjedništva sindikata radnika Opće bolnice Sarajevo održane 11.Marta 2016.

Prisutni članovi predsjedništva: Adis Mahmutović, Suvad Hadžić, Marina Juroš-Zovko, Dejana Donović-Omanović, Admir Jusufović, Suada Sokolović, Edin Bečiragić, Spomenko Kristić, Mahir Pekić, Selma Ribić, Mario Brajković, Samira Kadrić, Sanjin Krvavac, Zehra Hadžović, Amira PetrovićHamed Žilić, Sanela Karić

Odsutni članovi predsjedništva: Nermin Mahmutović, Mevlida Herenda, Nihad Izmirlić
Prije početka sjednice, Denis Mačkić, predsjednik Sindikata, konstatovao je da je materijal za ovu sjednicu dostavljen članovima Predsjedništva Sindikata, te da sjednici prisustvuje dovoljan broj članova predsjedništva za punovažno odlučivanje.

Za sjednicu je predložen slijedeći dnevni red:

1. Usvajanje zapisnika sa Prve sjednice Predsjedništva sindikata Opće bolnice"Prim.dr Abdulah Nakaš"
2. Upoznavanje sa novom iskaznicom člana Sindikata
3. Izvještaj sa sastanka članova Sindikata sa v.d. direktorom Bolnice
4. Upoznavanje predsjedništva sa žalbama zaposlenika koje se tiču odredaba Granskog kolektivnog ugovora radnika zaposlenih u zdravstvu
5. Prijedlog odluke o radzavanju računa članarine Sindikata, Fonda solidarnosti , Sportskog društva i Kase uzajamne pomoći
6. Razno

Predloženi dnevni red je jednoglasno usvojen od strane prisutnih članova predsjedništva bez izmjena.

Druga tacka dnevnog reda upoznavanje sa novom iskaznicom člana sindikata gdje je Elma Vukotić upoznala prisutne sa novom iskaznicom za koju će se potpisati svi članovi sindikata ove ustanove.

Treća tacka dnevnog reda izvještaj sa sastanka članova sindikata sa v.d. Direktorom bolnice.

Dr Elma je podnijela detaljan izvještaj o sastanku članova sindikata sa direktorom bolnice i zahtjeva sindikata za postivanje prava radnika.

Članovima predsjedništva su predočene žalbe radnika sa odjela fizijatrije, odjela za mikrobiologiju, odjela za transfuziju, te radnica iz hirurskih sala, a u smislu nepoštivanja prava iz radnog odnosa od strane poslodavca, tačnije Uprave Opće bolnice Sarajevo.

Zaključeno je da se direktoru uputi pismeni zahtjev za izjašnjenje o nepoštivanju prava radnika iz kolektivnog i granskog ugovora, te da se direktor jasno i pismenim putem izjasni o tome kada planira da se počnu poštivati odredbe iz poslovnika o plaćama JU Opća bolnica,

odnosno kada ce se poceti poštivati odredbe iz općeg kolektivnog ugovora za FBiH, zakona o radu i strukovnog ugovora zaposlenih u zdravstvu FBiH da bi sindikat mogao na vrijeme planirati slijedeće korake u slučaju nastavljanja kršenja prava radnika ove ustanove.

Zatim je uslijedila rasprava o petoj tački dnevnog reda.

Gosp. Admir Jusufović je objasnio članovima predsjedništva kako funkcioniše žiro racun sindikata u vezi sa fondom solidarnosti I sportskim društvom.

U disuksiji su učestvovali Admir, Mario, Dejana, Denis, Samira, Marina, Elma, Sanjin, Suvad, Jasna. Zaključeno je da gosp. Admir Jusufović nastavi voditi uzajamnu kasu I da preuzme sve obaveze od Gosp. Žarka Peševskog koji je u penziji uz prisutvo tročlane komisije u sastavu Elma Vukotić, Denis Mačkić i Amira Petrović.

Zaključeno je da nadzorni odbor sindikata I članovi Predsjedništva sindikata preuzmu odgovornost samo za novac članarine, a ne i za novac uzajamne kase posto članovi nadzornog odbora I predsjedništva sindikata nemaju uvid u količinu I kretanje novca u uzajamnoj kasi.

Zaključeno je da Gosp. Admir Jusufović preuzme vođenje uzajamne kase uz predočavanje finansijskog izvještaja.

Usvojen je zaključak da Gosp. Admir Jusufović izradi pravilnik o radu uzajamne kase i da ga predoči predsjedništvu sindikata na slijedećoj sjednici. Zaključeno je i da Admir na svaku sjednicu sindikata u pisanoj formi dostavi podatke o isplatama i trenutnom stanju na računu uključujući I pisani izvještaj o utrošku sredstava koji ce biti na kraju godine dostavljen na sva odjeljenja u bolnici. Takodjer je zaključeno da ce se sve novčane transakcije ubuduće raditi isključivo preko transakcijskih računa, te da bilo kakvo isplačivanje novca u gotovini ubuduće ne dolazi u obzir.

Članovima predsjedništva predocene obaveze iz proslave godine za 12 penzionera i 5 za smrt uzeg člana porodice što ukupno iznosi 6750 km duga i finansijskih obaveza iz 2015. godine.

Takodjer je jednoglasno odlučeno da će sindikat organizovati proslavu slijedeće nove godine, ali ne od sredstava sindikalne članarine jer smatramo da ima prioritarnijih stvari od toga u smislu finansiranja socijalno ugroženih članova sindikata, te slučajeva teških bolesti članova sindikata, njihove djece ili članova uže porodice. Ubuduće će se od pojedinačnih uplata osoba koje žele da uplate prisustvo na proslavi Nove godine organizirati proslava iste ili će Sindikat participirati zavisno od priliva sredstava.

Odluceno je i da se ubuduće za smrt člana uze porodice umjesto dosadašnjih 150 km isplaćuje 200 km, a za odlazak u penziju da ostaje ista svota, tačnije 500 km.

Također je usvojen zaključak da se uputi zahtjev direktoru za ponovno uvođenje osiguranja uposlenika koje je po zakonu obavezno, te zahtjev za davanje na uvid članovima predsjedništva sindikata finansijskog izvještaja za prošlu, te finansijskog plana, odnosno plana utroška sredstava za slijedecu /tekuću/ godinu.

ZAKLJUČCI:

1. Da se pošalje direktoru pismeni zahtjev za pojašnjenje razloga kršenja prava radnika u vezi nepoštivanja pravilnika o plaćama, kolektivnog ugovora, zakona o radu FBiH I strukovnog ugovora zaposlenih u zdravstvu, a u vezi žalbi osoblja zaposlenog na odjelu mikrobiologije, odjela za transfuziju, odjela za neurologiju, odjela za fizijatriju, te radnica

- u hirurškim salama kako bi sindikat mogao planirati slijedeće korake u prisiljavanju uprave bolnice na poštivanje prava radnika koja su regulisana ZAKONOM!
2. Da gosp. Admir Jusufović nastavi vođenje uzajamne kase nakon primopredaje kase od gosp. Žarke Peševskog koji je već nekoliko godina u penziji te smatramo da je neprimjereno da covjek koji je već duže vrijeme u penziji vodi uzjamnu kasu. Također se se gosp. Admir obavezao da izradi pravilnik o funkcionisanju uzajamne kase koji će se striktno poštivati. Odlučeno je i da u budućnosti nikakve trasnsakcije u gotovini ne dolaze u obzir u poslovanju sindikata nego isključivo putem transakcijskih računa sto je trebalo I ranije činiti kako bi poslovanje sindikata bilo potpuno transparentno i legalno.
 3. Sindikat ce ubuduće orgabizirati slavlje nove godine , ali ne od sindikalne članarine budući da ima prioriternih stvari, u prvom redu pomaganje uposlenika koji su u stanju socijalne potrebe, te uposlenika koji su teško bolesni oni, njihova djeca ili drugi članovi uže porodice. Ubuduće će se za slavlje svaki uposlenik koji želi prisustvovati proslavi nove godine morati uplatiti izvjestan iznos koji ce biti ustanovljen pred slavlje nove godine u decembru.
 4. Da se pošalje zahtjev direktoru za uvid u finansijsko poslovanje za prošlu godinu, te finansijski plan za buduću kako bi članovi predsjedništva sindikata imali uvid u poslovanje bolnice I učestvovali u svom domenu u kreiranju poslovnog plana I relizacije istog.
 5. Da se direktoru pošalje zahtjev za osiguranjem svih uposlenika od povrede i nesreće na radnom mjestu za sto postoji zakonska obaveza.

Sjednica je završena u 15, 30 h.

Zapisnik sačinio:

Mr sci Dr Denis Mačkić

Predsjednik:

Mr sci Dr Denis Mačkić